

六朝詩集

梁宣帝集

建除

建國惟神業十世本靈長除竒逾漢祖俟后類  
殷湯滿盈既虧度否運理還康平階今復覩德  
星行見祥定寇資雄畧靜亂屬賢良執訊窮郢  
魯弔伐徧徐揚破敵動庸盛佩紫且懷黃危苗  
旣已竄妖沴亦云亡成功勒雲社治定理要荒  
收戟歸農器牧馬恣芻場開山接梯路架海擬  
山梁閑欲同彭老延壽等東皇

迎舍利

釋迦稱散體多寶號金軀白玉誠非比黃金良  
莫踰變見絕言象端異乃冥符靈知雖隱顯妙  
色豈榮枯唯當千劫後方成無價珠

麈尾

匣上生光影毫際起風流本持談妙理寧是用  
權牛

百合

接葉有多種開花無異色含露或低垂從風時  
偃抑

梨

大谷長流稱南荒本足珍綠葉已承露紫實復  
含津

蘭

折莖聊可佩入室自成芳  
開花不競節含秀委微霜

梁元帝集

古風

長安道

西接長楸道南望小平津  
飛甍臨綺翼輕軒影  
畫輪雕鞍承赭汗槐路起紅塵  
燕姬雜趙女淹留重上春

關山月

朝望清波道夜上白登臺  
月中含桂樹流影自徘徊  
寒沙逐風起春花犯雪開  
夜長無與晤衣單誰爲裁

紫駟馬

長安美少年金絡錦連錢宛轉青絲鞵照耀珊瑚鞭

班婕妤

婕妤初選入含媚向羅幃何言飛燕寵青苔生玉墀誰知同輦愛遂作裂紈詩以茲自傷苦終無長信悲

半路溪

相逢半路谿隔溪猶不渡望望判如是翩翩識行步摘贈蘭澤芳飲表同心句先將動舊情恐

君疑妾妬

巫山高

巫山高不窮，迴出荆門中。  
灘聲下濺石，猿鳴上逐風。  
樹雜山如畫，林暗澗疑空。  
無因謝神女，一爲出房櫳。

吳趨行

水裏生芙蓉，翅池心。  
恒欲飛蓮花，逐林返何時。  
乘舸歸。

長歌行

當壚擅旨酒，一卮堪十千。  
無勞蜀山鑄，扶受采。

金錢人生行樂爾何處不留連朝為洛生詠夕  
作據梧眠從茲忘物我優游得自然

### 燕歌行

燕趙佳人本自多遼東少婦學春歌黃龍戍北  
花如錦玄菟城前月似蛾如何此時別夫壻金  
羈翠眊往交河還聞入漢去燕營恐妾愁心百  
恨生漫漫悠悠天未曉遥遥夜夜聽寒更自從  
異縣同心別偏恨同時成異節橫波滿臉萬行  
啼翠眉暫斂千重結並海連天合不開那堪春  
日上春臺乍見遠舟如落葉復看遙舸似行盃



沙汀夜鶴嘯羈雌妾心無趣坐傷離翻嗟漢使  
音塵斷空傷賤妾燕南陲

從軍行

寶劍飾龍淵長虹畫彩舩山虛和鐃管水淨瀉  
樓船連雞隨火度燧象帶烽然洞庭晚風急瀟  
湘夜月圓荀令多文藻臨戎賦雅篇

採蓮曲

碧玉小家女來嫁江南王蓮花亂臉色荷葉雜  
衣香因持薦君子願襲芙蓉裳

烏棲曲

幄中清酒瑪瑙鍾裙邊雜珮琥珀龍虛持寄君  
心不惜共指三星今何夕

濃黛輕紅點花色還欲令人不相識金壺夜水  
詎能多莫持奢用比懸河

沙棠作船桂爲楫夜渡江南採蓮葉復值西施  
新浣沙共向江干眺月華

月華似璧星如珮流影澄明玉堂內邯鄲九枝  
朝始成金卮玉盃共君傾

交龍成錦闥鳳紋芙蓉爲帶石榴裙日下城南  
兩相望月沒參橫掩羅帳

七彩隋珠九華玉蛺蝶爲歌明星曲蘭芳椒閣  
夜方開那知步步香風逐

歌曲

啼鳥怨別鶴曙鳥憶離家石闕題書字金鐙飄  
落花東方曉星度西山晚日斜縠衫迴廣袖團  
扇掩輕紗暫借青驄馬來送黃牛車

飛來雙白鶴

紫蓋學仙成能令吳市傾逐舞隨踈節間琴應  
別聲集曰遙赴影隔霧近村鳴時從洛浦渡飛  
向遼東城

芳樹

芬芳君子對交柯  
御宿園桂影含秋月  
桃花灤春源落英逐風聚  
輕香帶蟲翻叢枝  
臨北閣灌木隱南軒  
交讓良宜重成蹊何用言

隴頭水

銜悲別隴頭  
關路漫悠悠  
故鄉迷遠近  
征人分去留  
沙飛曉成幕  
海氣旦如樓  
欲識秦川處  
隴水向東流

驄馬驅

朔方寒氣重  
胡關饒苦霧  
白雪晝凝山  
黃雲宿

埋樹連翩行役子終朝征馬驅試上金微山還  
看玉關路

折楊柳

山高巫峽長垂柳復垂楊同心且同折故人懷  
故鄉山似蓮花艷流如明月光寒夜猿聲徹游  
子淚沾裳

劉生

任俠有劉生然諾重西京扶風好驚坐長安恒  
借名榴荅聊夜飲竹葉觥朝醒結交李都尉遠  
遊佳麗城

晚棲鳥

日暮連翩翼俱向上林棲風前多  
■ 缺雲暗復  
羣迷踞遠聲難徹飛斜行未齊應從故鄉返幾  
過入蘭閨借問倡樓女何如蕩子啼

古意

妾在成都縣願作高唐雲樽中石榴酒機上葡萄  
紋停梭還歛色何時勸使君

洛陽道

洛陽開大道城北達城西青槐隨幔拂綠柳逐  
風低玉珂鳴戰馬金爪鬪塲雞桑姜日行暮途

多秦女妻

細雨

風輕不動葉雨細未沾衣入樓如霧上拂馬似  
塵飛

望江中月

澄江涵皓月水影若浮天風來如可泛流急不  
成圓秦鉤斷復接和璧碎還聯裂紈依岸草斜  
桂逐行船即此春江上無俟百枝然

詠風

樓上起朝粧風花下砌傍入鏡先飄粉翻衫好

美香度舞飛長袖傳歌共繞梁欲因吹少女還  
持拂大王

詠霧

三晨生遠霧五里闌城闌從風疑細雨映日似  
遊塵乍若飛煙散時如佳氣新

曉霧晦階前垂珠帶葉邊五里浮長隰三晨暗  
遠天旁通似佳氣却望若飛烟踈簾還復密斷  
棟更疑連還思逢樂廣能令雲霧褰

春日

新鶯隱葉轉新燕向窓飛柳絮時依酒梅花乍



入衣玉珂逐風度金鞍照日輝無令春色晚獨  
望行人歸春還春節羨春日春風過春心日日  
異春情處處多處處春芳動日日春禽變春意  
春已繁春人春不見不見懷春人徒望春光新  
春愁春自結春結詎能申欲道春園趣復憶春  
時人春人竟何在空爽上春期獨念春芳落還  
似惜春時

納涼

高春斜日下佳氣滿欄楹池紅早花落水綠晚  
萍生星稀月稍上雲開河尚橫白鳥翻帷暗丹

螢入帳明朱綦趨北闕玳瑁徒南榮金鋪掩夕  
扇玉壺傳夜聲

泛蕪湖

桂潭連菊岸桃李映成蹊石文如濯錦雲飛似  
散珪橈度爰根反船去荇枝靡飄隨迎雨燕鼓  
逐伺潮雞

登隄望水

驅馬河隄上非謂城隅遊懷山殊未已徒然勞  
九愁旅泊依村對江槎擁戍樓高岼翻成浦曲  
港反通舟棗野良知嘆瓠河今可傳願假宣尼

道泗水却橫流

春夜看妓

蛾眉漸成光燕姬戲小堂胡舞開春閣鈴盤出  
步廊起龍調節奏却鳳點笙簧樹交臨舞席荷  
生夾妓行竹密無分影花疎有異香舉目聊轉  
笑嘆茲樂未央

彈箏

橫箏在故帷忽憶上絃時舊柱未移處銀帶手  
經持悔道啼將別教成今日悲

璫柱動金絲奏聲發趙曲流徵含陽春美手過

如玉

和林下妓應令

日斜下北閣高宴出南榮  
歌清隨澗響舞影向池生  
輕花亂粉色風條雜絃聲  
獨念陽臺下願待洛川笙

江陵縣還

遊魚迎浪上雛雉向林飛  
遠村雲裡出遙船天際歸

朝出屠羊縣夕返仲宣樓  
水滿還侵岸沙盡稍開流

送西歸內人

秋氣蒼茫結孟津  
送復巫山薦枕神  
昔時慙慙愁應去  
今日勞勞長別人

寒閨

烏鵲夜南飛  
良人行未歸  
池水浮明月  
寒風送擣衣  
願織迴文錦  
因君寄武威

閨怨

蕩子從遊宦  
思妾守房櫳  
塵鏡朝朝掩  
寒床夜夜空  
若非有歡悅  
何事又西東  
知人相望否  
淚盡夢啼中

代舊姬有怨

寧爲萬里隔乍作死生離  
那堪眼前見故愛逐  
新移未展春花落遽被涼風吹  
怨黛舒還歛啼  
紅拭復垂誰能巧爲賦黃金妾自資

別

昆明夜月光如練上林朝花色似霞  
朝花夜月動春心誰忍相思今不見

試看機上蛟龍錦還瞻庭裡合歡枝  
映日通風影珠幔飄花拂葉度金池  
不聞離人當重合唯  
悲合罷會成離

門前楊柳亂如絲直置佳人不  
自持適言新作齊紈詩誰悟  
今成織素杼

日暮徙倚渭橋西正見流月與雲齊  
若使月光無近遠應照離人今  
瞑啼

別罷花枝不共攀別後書信不  
相關欲覓行人寄消息衣常潮  
水暝應還

三月桃花合面脂五日新油好  
煎澤莫復臨時不寄人謾道江  
中無估客

祀伍相廟

石城寧足拒金陣詎能追楚關  
開六塞吳兵入

九圍山水猶縈帶城池失是非空餘壽宮在日  
暮舞沾衣

和劉尚書明堂齋宮

質明攝上宰詰旦乘軒轅四圭邸蒼玉六變舞  
雲門香浮鬱金酒氣繞鳳凰樽新花臨御栢春  
色起天園河間顯樂語斯道媿能論

臨荊州

擁旄去京縣褰帷辭未央弱冠復王役從容

張不學胡威絹笠挂裴潛床所冀留犢行當  
息飲羊戲蝶時飄粉風花乍落香高欄來蕙氣



疎簾度晚光綺錢臨反宇阿閣遶長廊

示吏民

闕里尚撫謙厲鄉裁知足咨余再分陝少思宜  
寡欲霞出浦流紅苔生岸泉綠方令江漢女變  
爲鄒魯俗

別荊州吏民

玉節居分陝金貂總上流麾軍時舉扇作賦且  
登樓年光徧原隰春色滿汀洲日華三翼舸風  
轉七星遊向解青絲纜將移丹桂舟

去丹陽尹荊州

驂駕乘駟馬謁帝朝承明分符蒞閩越終然慚  
勵精副君垂獎盼仁慈穆且敦終朝陪北閣清  
夜待西園降貴深知已寧思食椹恩未嘗辭盡  
室誰忍去輟輟

離合

次寥雲初淨水木偕春光龕定方無遠合浦不  
難航

縣名

長陵新市北鄭衛好容儀先過上蘭苑還牽高  
柳枝薄粧宜入鏡舒花堪照池蒲洲涵水色椒

壁雜風吹此時方夜飲平臺傳羽卮

藥名

戍客恒山下常思衣錦歸況看春草歇還見鴈  
南飛蠟燭凝花影重臺閉綺扉風吹竹葉袖網  
綴流黃機詎信金城裏繁露曉沾衣

姓名

征人習水戰辛苦配戈船夜城隨偃月朝軍逐  
避年龍吟澈水度虹光入夜圓濤來如陣起星  
上似烽然經時事南越還復討朝鮮

樹名

仙人賣玉杖乘鹿去山林浮杯度池曲摩鏡往  
河陰井內書銅板竈裡化黃金妻搖五明扇妾  
弄一絃琴暫遊忽千里中天那可尋

鳥名

方舟去鵠鵠引欲相要晨鳧移去舸飛燕動  
歸撓雞人憐夜刻鳳女念吹簫雀釵輕幌翠  
的繞纖腰復聞朱鷺曲鈺管雜迴潮

獸名

豹韜求秘術虎畧選良臣水涉黃牛浦山過白  
馬津摧鋒上狐塞畫像入麒麟果下新花落桃

枝蔓樹春王孫及公子熊席復橫陳

龜兆

土膏春氣生倡女協春情魚遊連北水鵲作遼  
東鳴折梅還插髻盪柱更移聲銀燭含朱火金  
爐對寶笙百枝凝夕焰却目隱高城

將軍

虎旅皆成陣龍騎盡能踴鳴鞭俱破虜決勝往  
長榆細柳浮輕暗大樹繞栖烏樓船寫退鷁檣  
鳥狎飛鳬度河還自許偏與功名俱

宮殿

盃間花欲然竹徑露初圓  
闌雞東道上走馬北  
場邊合歡依暝卷葡萄向日鮮  
旗亭覓張放香  
車迎董賢定隔天淵水相思夜不眠

草名

胡王迎嫂主塗經蒯北遊金錢買含笑銀釭影  
梳頭初控遊龍馬仍移卷栢舟中江離思切蓬  
鬢不堪秋況度菖蒲海落月似懸鉤

藩難未靜述懷

玉節威雲夢金鉦韻渚宮  
霜戈臨漸白日羽映  
流紅單醪結猛將芳餌引群雄  
箭擁箕園竹劒

聚若溪銅壺覩周王駿多逢鮑氏驄謀出河南  
賈威寄隴西馮溪雲連陣合却月半山空樓前  
飄密柳井上落踈桐差營逢靈雨立壘挂長虹  
暮春多淑氣斜景落高春日照池光淺雲歸山  
望濃入林迷曲徑度渚躍危峰

遊浚園

晚景遊浚園

高軒聊聘望煥景入川梁波橫山度影雨罷葉  
生光日移花色異風散水紋長

和劉尚書侍講

汲引留宸鑒，舟航動睿情。  
法王惟一法，無生信不生。  
日宮佳氣滿，月殿善風清。  
綺錢蔽西觀，綈幔卷南營。

和鮑常侍龍川館

珍臺接閒館，迢遞山之旁。  
多觴三真術，俱善四明方。  
玉題書仙篆，金榜燭神光。  
桂影侵檐進，藤枝繞檻長。  
苔衣隨溜轉，梅氣入風香。

池中燭影

魚燈且滅燼，鶴焰暫停輝。  
自有銜龍燭，青火入朱扉。  
映水疑三燭，翻池類九微。  
至林如燐影，度



渚若螢飛河低扇月落霧上珠星稀章華終宴  
所飛蓋且相隨

宜男草

可愛宜男草垂采映倡家何時如此葉結實復  
含花

賦得春荻

翠荻玉池前遙映江南蓮非秋無有耗未燒不  
生煙

賦得涉江採芙蓉

江風當夏清桂楫逐流縈初疑京兆劍復似漢

東坡  
冠名荷香風送遠蓮影向根生葉卷珠難溜花  
舒紅易輕日暮鳬舟滿歸來度錦城

雲陽樓簷柳

楊柳非花樹依樓自覺春枝邊通粉色隙裏映  
紅巾昔日交簾影因吹掃窓塵拂簷應有意偏  
宜桃李人

詠竹

嶰谷管新抽淇園節復脩作龍還葛水爲馬向  
并州柯亭臨絕澗桃枝夾細流冠學芙蓉勢花  
堪威鳳遊叩王若有獻張騫應拜侯

石榴

塗林未應發春暮轉相催然燈疑夜火連珠勝  
早梅西域移根至南方釀酒來葉翠如新剪花  
紅似故裁還憶河陽縣映水珊瑚開

蘭澤多芳草

春蘭本無艷春澤最葳蕤燕姬得夢罷尚書奏  
事歸臨池影入浪從風香拂衣當門已芬馥入  
室更芳菲蘭生不擇逕十步豈難稀

詠梅

梅含今春樹還臨光日池葉懷前歲憶蒼發故

年枝

賦得登山馬

登山馬徑小逕小馬纔通汗赭疑沾勒衣香不  
逐風何殊隴頭望遙識祁連東

螢火

着人疑不熱集草訝無煙倒來燈下暗翻徃雨  
中然

梁元帝集終

後周明帝集

過舊宮

玉燭調秋氣金輿歷舊宮還如過白水更似入  
新豐秋潭清晚菊寒井落踈桐舉杯延故老令  
聞歌大風

招隱士逍遙公韋襲

六爻貞遯世三辰光少微潁陽讓逾遠滄洲去  
不歸坐石窺仙洞乘槎下釣磯嶺松千仞直岩  
泉百丈飛香動秋蘭珮風飄蓮葉衣聊登平樂  
觀遙想首陽薇詎能同四皓來叅余萬機

陳後主集

古風

巫山高

巫山巫峽深峭壁聳春林風巖朝蓋落霧嶺曉  
猿吟雲來足蘼枕雨過非感琴仙姬將夜月度  
影自浮沉

烏棲曲

陌頭新花歷亂生葉裡春鳥送春情長安遊俠  
無數伴白馬驪珂路中消

金鞍向暝欲相連玉面俱要來帳前含態眼語

懸相結翠帶羅裙入爲解  
合歡襦薰百和香床中被織兩鴛鴦鳥啼漢沒  
天應曙只持懷抱送郎去

採蓮曲

相催暗中起粧前日已光隨宜巧注口薄落點  
花黃風住疑衫密舩小畏裾長波文散動櫂菱  
荇拂度航低荷亂翠影採袖新蓮香歸時會被  
喚且試入蘭房

楊叛兒曲

青春上陽月結伴戲京華龍媒玉珂馬鳳軫綉

香車水映臨橋樹風吹夾路花日昏歡宴罷相  
將歸狹斜

古曲

桂鈎影桂枝開紫綺袖逐風迴日明珠色偏亮  
葉盡衫香更來

飲馬長城窟行

征馬入他鄉山花此夜光離群嘶向影因風屢  
動香月色含城暗秋聲雜塞長何以酬君子馬  
革報疆場

豔歌行



重輪上瑞暉西北照南威南威年二八開牖敞  
重關當壚送客去上苑逐春歸髻下珠勝月窓  
前雲帶衣紅裙結未解綠綺白難微

前有一樽酒行

殿高絲吹滿日落綺羅鮮莫論朝漏促傾卮待  
夕筵

東飛伯勞歌

池側鴛鴦春日鶯綠珠絳紉相逢迎誰家住麗  
過淇上翠釵綺袖波中漾雕軒繡戶花恒發珠  
簾玉砌移明月年時二七猶未笄轉顧流盼髻

鬟低風飛蓋落將何故可惜可憐空擲度

三婦豔詞

大婦避秋風中婦夜床空小婦初兩髻含嬌新  
臉紅得意非霰日可憐那可同

大婦西北樓中婦南陌頭小婦初妝點眉對  
月鉤可憐還自覺人看反更羞

大婦主繡機中婦裁春衣小婦新粧冶拂匣動  
琴徽長夜理清曲餘嬌且未歸

大婦妬蛾眉中婦逐春時小婦最季少相望捲  
羅幃羅幃夜寒卷相望人來遲

大婦上高樓中婦蕩蓮舟小婦獨無事撥帳掩  
嬌羞丈夫應自解更深難道留

大婦初調箏中婦飲歌聲小婦春粧罷弄月當  
宵楹季子時將意相看不用爭

大婦受怙偏中婦意長堅小婦獨嬌笑新來華  
燭前新來誠可惑爲許得新怜

大婦酌金杯中婦照妝臺小婦偏妖冶下砌折  
新梅衆中何暇問人今最後來

大婦怨空閨中婦夜偷啼小婦獨含咲正柱作  
烏棲河低帳未掩夜夜畫眉齊

大婦正當壚中婦裁羅襦小婦獨無事淇上待  
吳姝鳥歸花復落欲去却踟躕

大婦年十五中婦當春戶小婦正橫陳含嬌情  
未吐所愁曉漏促不恨燈銷炷

昭君怨

圖形漢宮裡遙聘單于庭狼山聚雲暗龍沙飛  
雪輕笳吟度隴咽笛轉出關鳴啼壯寒葉下愁  
眉塞月生只餘馬上曲猶作別時聲

隴頭水

隴頭征戍客寒多不識春驚風起嘶馬苦霧雜

飛塵投錢積石水歛轡交河津四面夕冰合萬里望佳人

塞外飛蓬征隴頭流水鳴漠處揚沙暗波中燥葉輕地寒冰易厚寒深溜轉清登山一回顧幽咽動邊情

高壘多悲風寒聲起夜叢禽飛暗識路鳥轉逐征蓬落葉時驚沫移沙屢擁空回頭不見望流水王門東

洛陽道

誼譁照邑里遨遊出洛京霜枝嫩柳發水塹薄

首生停鞭回去影駐軸敞前薨臺上經相識城  
下屢逢迎踟躕還借問只重未知名

日光朝杲杲照耀東京道霧帶城樓開啼侵曙  
色早佳麗嬌南陌香氣含風好自憐釵上纓不  
歎河邊草

建都開洛汭中地乃城陽縱橫肆八達右闕  
康莊銅溝飛柳絮金谷落花光忘情伊水側稅  
駕河橋傍

百尺瞰金埒九衢通玉堂柳花塵裡暗槐色露  
中光游俠幽并客當壚京兆粧向夕風煙晚金

羈滿洛陽

長安道

青槐夾馳道御水映銅溝遠望凌霄閣遙看井  
幹樓黃金彈俠少朱輪徹盛侯苑花離渡馬紛  
披聚陌頭

建章通未央長樂屬明光大道移甲第甲第玉  
爲堂遊蕩新豐袒戲馬渭橋傍當壚晚留客夜  
夜苦紅粧

紫騮馬

嫖姚紫塞歸蹀躞紅塵飛玉珂鳴廣路金絡耀

晨輝蓋轉時移影香動屢驚衣禁門猶未閉連  
騎恣相違

蹀躞紫駟馬照耀白銀鞍直去黃龍外斜趨玄  
菟端垂韉還細柳揚塵歸上蘭紅臉桃花色客  
別重羞看

採桑

春樓髻梳罷南陌競相隨去後花叢散風來香  
處移廣袖承朝日長鬟礙聚枝柯新攀易斷葉  
嫩摘前萎採繁鈎手弱微汗雜粧垂不應歸獨  
早堪爲使君知



飛來雙白鶴

朔吹已蕭瑟愁雲屢合開玄冬辛苦地白鶴從  
風催音響已清切毛羽復殘摧飛來進但  
爲失雙回儻逢■噲德當共啣珠來

自君之出矣

自君之出矣霜輝當夜明思君若風影來去不  
曾停

自君之出矣房空帷帳輕思君如晝燭懷心不  
見明

自君之出矣不分道無情思君若寒草零落故

心生

自君之出矣塵網暗羅帷思君如落日無有暫還時

自君之出矣綠草遍堦生思君如夜燭垂淚著鷄鳴

自君之出矣愁顏難復覩思君如蘂條夜夜只交苦

關山月

秋月上中天迥照關城前暈缺隨灰減光滿應珠圓帶樹還添桂銜峯乍似弦復教征戍客長

怨久連翩

戍邊歲月久恒悲望舒耀城遙接暈高澗風連  
影搖寒光帶岫徒冷色含山峭看時使人憶為  
似嬌娥照

朱鷺

參差蒲未齊沉漾苦浮綠朱鷺戲蘋藻徘徊流  
澗曲澗曲多巖樹逶迤復斷續振振雖以明湯  
湯今又矚

雉子斑

四野秋原暗十步啄方前雉聲風處遠翅影雲

間連箭射妖姬笑  
裘值盛明然已足  
南皮賞復會北宮篇

玉對後庭花

麗宇芳林對高閣  
新粧艷質本傾城  
映戶凝嬌乍不進  
出幃含態笑相迎  
妖姬臉似花涵露  
玉樹流光照後庭

臨高臺

晚景登高臺  
回望春光來  
霧濃山後暗  
日落雲傍開  
煙裏看鴻小  
風來望葉回  
臨窓已響吹  
極眺且傾盃

有所思

蕩子好蘭期，留人獨自思。  
落花同淚臉，初月似愁眉。  
階前看草蔓，牕中對網絲。  
不言千里望，復是三春時。

杳杳與人期，遙遙有所思。  
山川千里間，風月兩邊時。  
相待春那劇，相望近偏遲。  
當由分別久，夢來還自疑。

佳人在北燕，相望渭橋邊。  
團團落日對，耿耿曙河天。  
思多明月下，淚盡鴈行前。  
別心不可寄，惟餘琴上絃。

折楊柳

楊柳動春情，倡園妾屢驚入樓。含粉色依風雜，  
管聲武昌識。新種官渡有殘生，還將出塞曲，仍  
共胡笳鳴。

長條黃復綠，垂絲密且繁。花落幽人徑，步隱將  
軍屯。谷暗宵鉦響，風高夜笛喧。聊持暫攀折，空  
足憶中園。

長相思

長相思，久相憶。關山征戍何時極，望風雲絕音  
息。上林書不歸，迴文徒自織。羞將別後面，還似

初相識

長相思怨成悲蝶縈草樹連絲庭花飄散飛入  
帷帷中看隻影對鏡欽雙眉兩見同見月兩別  
共春時

梅花落

春砌落芳梅飄零上鳳臺拂床疑粉散逐溜似  
萍開映日花光動迎風香氣來仁人早挿髻試  
立且徘徊

楊柳春樓邊車馬飛風烟連聘鳥孫伎屬客單  
于甕鴈聲不見書蚕絲欲斷絃欲持塞上蕊試

立將軍前

舞媚娘

樓上多嬌艷當窓併三五爭弄遊春陌相邀開  
繡戶

轉態結紅裙含嬌拾翠羽留賓乍拂絃託意時  
移柱

淇水變新臺春鑪當夏開玉面含羞出金鞍排  
夜來

春日好風光尋觀戲市傍轉身移珮響牽袖起  
衣香



雜詩

幸玄武湖餞吳興太守任惠

寒雲輕重色秋水去來波待我戎衣定然送大  
風歌

同江僕射遊攝山棲霞寺

時宰潘礪心非關狎竹林鷺嶽青松繞雞峰白  
日沉天迴浮雲細山空明月深摧殘枯樹影零  
落古藤陰霜月夜明去風露寒猿吟自可盡出  
俗詎是願抽簪

入隨侍宴應詔

日月光天德山河壯帝居太平無以報願上萬  
年書

陳后主集終

隋煬帝集

古風

紀遼東

遼東海北剪長鯨風雨萬里清  
方當銷鋒散馬牛旋師宴鎬京  
前歌後舞振軍威飲至解戎衣  
判不徒行萬里去空道五原歸

秉旄仗節定遼東俘馘變夷風  
清歌凱捷九都水歸宴洛陽宮  
策功行賞不淹留全軍籍智謀  
詎似南宮複道上先封雍齒侯

喜春遊歌

禁苑百花新佳期遊上春輕身趙皇后歌曲李  
夫人  
步緩知無力臉慢動餘嬌錦袖淮南舞寶袜楚  
宮腰

東宮春

洛陽城邊朝日暉天淵池前春燕歸含露桃花  
開未飛臨風楊柳自依依小苑花紅洛水綠宛  
轉繁絃促長袖逶迤動珠玉千年萬歲陽春曲  
江都夏

梅黃雨細麥秋輕楓樹蕭蕭江水平飛樓綺觀

軒若驚蒼簾羅帷當夏清菱潭落日雙鳬舫綠  
水紅粧兩搖漾還似浮桑碧海上誰肯空歌採  
蓮唱

錦石擣流黃

漢使出燕然愁閨夜不眠易製殘燈下鳴砧秋  
月前  
今夜長城下雪昏月應暗誰見倡樓前心悲不  
成慘

春江花月夜

暮江平不動春花滿正開流波將月去潮水帶

星來

夜露含花氣春潭養月輝漢水逢遊女湘川值  
兩妃

飲馬長城窟行

肅肅秋風起悠悠行萬里萬里何所行橫漠築  
長城豈台小子智先聖之所營樹茲萬世策安  
此億兆生詎敢憚焦思高枕於上京北河秉武  
節千里捲戎旌山川互出沒原野窮超忽撻金  
歲行陣鳴鼓興士卒千乘萬騎動飲馬長城窟  
秋昏塞外雲霧暗關山月緣巖驛馬上乘空烽

火發借問長安侯單于入朝謁濁氣靜天山晨  
光照高關釋兵仍振旅要荒事方舉飲至告言  
旋功歸清廟前

步虛詞

洞府凝玄液靈山體自然俯臨滄海島回出大  
羅天八行分寶樹十丈散芳蓮懸居燭日月天  
步役風煙躡記書金簡乘空誦玉篇冠法二儀  
立珮帶五星連瓊軒觶甘露瑜井挹膏泉南巢  
息雲馬東海戲桑田回旗遊八極飛輪入九玄  
高蹈虛無外天地乃齊年

又

總轡行無極相推凌太虛翠霞承鳳輦碧霧翼  
龍輿輕舉金臺上高會玉林墟朝遊度圓海夕  
宴下方諸

泛龍舟

舳舻千里泛歸舟言旋舊鎮下揚州借問揚州  
在何處淮南江北海西頭六轡聊何御百丈暫  
罷開山歌棹謳詎似江東掌間地獨自稱言鑑  
裏遊

雜詩



冬至乾陽殿受朝

北陸隆冬盛南至晷漏長端拱朝萬國守文繼  
百王至德慙日用治道愧時康新邑建嵩岳雙  
闕臨洛陽圭景正八表道路均四方碧空霜華  
淨朱庭暖日光纓珮旣濟濟鐘鼓何鏗鏘文戟  
翊高殿采晁分修廊元首之明哲股肱責賢良  
舟楫佇有寄庶此王化昌

元日獻歲宴宮臣

三元建上京六佾宴吳城朱庭容衛肅青天春  
氣明朝光動劒采長階分珮聲酒闌鐘磬息欣

觀禮樂成

月夜觀星

團圓素月淨脩脩夕景清谷泉驚暗石松風動  
夜聲披衣出荆戶躡履步山楹欣覩明堂亮喜  
見太階平觜參猶可織牛女尚分明更移斗柄  
轉夜久天河橫徘徊不能寐參差幾種情

悲秋

故年秋始去今年秋復來露濃山氣冷風急蟬  
聲哀鳥擊初移樹魚寒欲隱苔斷霧時通日殘  
雲尚作雷

冬夜

不覺歲將盡已復入長安日影含冰凍風聲淒  
夜寒江海波濤壯峭潼坂險難無因寄飛翼徒  
欲動和鑾

望海

碧海雖欣矚金臺空有聞遠水翻如岸遙山到  
似雲斷濤還共合連浪或時分馴鷗舊可狎丹  
本足爲群方知小姑射誰復語臨汾

夏日臨江

夏潭蔭脩竹高岸坐長楓日落滄江靜雲散遠

山空鷺飛林外白蓮開水上紅逍遙有餘興悵  
望情不終

宴東堂

雨罷春光潤日落暝霞輝海榴舒欲盡山櫻開  
未飛清音出歌扇浮香飄舞衣翠帳全臨戶金  
屏半隱扉風花意無極芳樹曉禽歸

早渡淮

平淮旣淼淼曉霧復霏霏淮甸未分色泱泱共  
晨暉晴霞轉孤嶼錦帆出長圻潮魚時躍浪沙  
禽鳴欲飛會待高秋晚愁因近水歸

臨渭源

西征乃屆此山路亦悠悠地幹紀靈異同穴吐  
洪流濫觴何足擬浮槎難可傳驚波鳴澗石澄  
岸瀉巖樓滔滔下秋縣森森肆神州長林嘯白  
獸雲徑想青牛風歸花葉散日舉烟霧收直爲  
求人隱非窮轍迹遊

還京師

東都儀禮舉西京冠蓋歸是月春之季花柳相  
依依雲蹕清馳道雕輦御晨暉嘹亮銑笳奏歲  
馳旌旆飛後乘趨文雅前驅厲武威

北鄉古松樹

古松惟一樹森竦詎成林獨留塵尾影猶橫偃  
蓋陰雲來聚雲色風度雜風音孤生小庭裡尚  
表歲寒心

詠鷹

遷朔欲之衡忽投尉羅裡旣以羈華彩仍持獻  
君子青骹固絕傳素羽誠難擬深目表茲稱闊  
臆斯爲美驚獸不及奔猜禽無暇起雖蒙鞴上  
榮無復凌霄志

白馬

白馬金具裝橫行遼水傍問是誰家子宿衛羽  
林郎文庫六屬鎧寶劍七星光山虛弓響徹地  
迥角聲長宛河推勇氣隴蜀擅威強輪臺受降  
虜高闕剪名王射熊入飛觀校獵下長楊英名  
欺衛霍智策茂平良島夷時失禮卉服犯邊疆  
徵兵集薊北輕騎出漁陽進軍隨日暈挑戰逐  
星芒陣移龍勢動營開虎翼張衝冠入死地攘  
臂越金湯塵飛戰鼓急風交征旆揚轉鬪平華  
地追奔掃大方本持身許國况復武功彰會令  
千載後流譽滿旂常